

"CHEGAS, TODO CHECO DE NEBUA..."

(Susi, Alicante)

www.usc.gal/veterinaria
www.usc.gal/snl



FACULTADE DE VETERINARIA



"NÚMERO DE FOLLAS ???"

(Andrea, Santander)

"VETERINARIA PARECEME ACOLLEDORA E FAMILIAR"

(Mario, Madrid)

♥ #lugo ♥ #galego
#cambiaatúamirada

Acabas de chegar a Lugo, a cursares Veterinaria

se cadra, moi lonxe da túa familia e amizades
se cadra, non coñeces a ninguén
se cadra, unha cidade moi pequena para ti
se cadra, con néboa
se cadra, non entendes

Mais, como fixeron Iris, Mario, Susi, Andrea, Óscar
e Nuria, que tamén viñeron de fóra a estudar Veterinaria
a Lugo, axiña vas cambiar a túa mirada:

Vas facer novas amizades e crearte
unha segunda familia.

Vas collerlle o gusto a pasear pola muralla ou á beira
do Miño, ao polbo do San Froilán, ás tapas dos viños.

Vas afacerte a que todo estea perto e poder durmir
un chisco máis ás mañás.

Vas adorar os gorros, as bufandas, as luvas e
o paraugas (mais vas seguir pensando que Lugo
ten un clima... discutible).

Vas repetir seguido *riquiño, e logo? e malo será!*

Descubre as experiencias
de Iris, Mario, Susi,
Andrea, Óscar e Nuria!

Se vés de fóra...

#cambiaatuamirada

#lugo

#galego



"QUE SABÍA DE LUGO?
POLBO, VIÑO, MARISCO..."

(Susi, Alacante)

En Galicia hai dúas linguas oficiais, galego
e castelán. O galego é lingua propia
da Universidade de Santiago, segundo
os nosos Estatutos.

Na docencia, nas aulas, nas prácticas, tanto
o profesorado como o alumnado ten o dereito a utilizar
libremente calquera das dúas linguas. E ninguén ten
a obriga de cambiar de lingua, galego ou castelán,
nas actividades académicas.

Se vés de fora e non entendes algo en galego, o teu
profesorado e os teus compañeiros e compañeiras
vanse esforzar por explicarcho e ti vas acabar
entendendo todo rápido e sen problemas.
Esa é a experiencia que acreditan Iris, Mario, Susi,
Andrea, Óscar e Nuria, e que podes ver nos vídeos.

Ti tamén podes corresponder, esforzarte un pouquiño.
Interésate polo galego, na facultade e na cidade.
Di *graciñas* e recibirás agradecemento. Non teñas
medo de aprender unha nova lingua, e menos o
galego: é moi parecida á túa e descubrirás –xa estás
descubriendo– que podes entender moito máis do que
cres, mais aínda tendo unha educación universitaria!
Aprender, entender unha lingua nova non che vai quitar
a túa. E a USC ofréceche facilidades: os cursos de
lingua para non galegofalantes, vocabularios, recursos,
actividades extra-académicas...

E pide que che falen en galego, explica que queres
aprender, que non te exclúan. As galegas e galegos,
a custa de perder o noso propio idioma, somos
moi dados a falar en castelán en canto hai alguén
de fóra ou pensamos que non nos entenden.
E por que non habías acabar entendéndoo?

«Os idiomas non separan, axudan a crear grupo»,
explica Nuria no vídeo. Usade os idiomas como
apego. E ti, que es galegofalante, ofrece apego
para acoller os teus compañeiros e compañeiras
de fóra na nosa lingua.

♥ #lugo ♥ #galego
#cambiaatúamirada